



農巖集
一

詩賦

~ 16
2442
1

詩賦



和
2442
1-18

農巖集序



我仲氏農巖先生既沒之
踰年門人金時佐等裒輯
其遺文略有刊汰編次為
三十餘卷將以印行于世

謂昌翕合有一語以著卷
尾嗚呼先生之蘊其高大
遠密匪斯集可盡若余鹵
莽於斯集猶未之究其何
以有所發揮哉然竊念在

昆季中論其齒比而周旋
者廣則惟昌翕為然粵自
左提右挈以至長大且老
其間同案而連業若歲歲修
之為某所呻佔之為某書

既比自厯厯矣亦其追踵步
驟從淺入深穿厯乎文苑
理教者終始睹其難窮則
以是為述其亦可乎先生
生而朗悟慧解絕倫南踰

鬚鬣已能潛心竹素忘寢
與食家人或失所在搜得
於几閣僻奧則兀然于一
編也至其伊吾之聲耳若出
金石高下有韻折婦孺皆耳

聽以當韶句其中進士未
弱冠也是時朝野清平門
戶華赫先生之意若將乘
運高蹈大鋪鴻藻以應一
世黼黻笙簧之需而優優乎

沛有餘地吾則以淵雲華
國之業擬先生也及至乙
卯以後世途與家運日入
於艱大宰騷矣流離南北
備經佗僚則先生之跡散

在於月出寶蓋之間稍稍
斂華就實味其無味其用
力乎紛羅笈笈註莫不綜櫛
其絲毛解剥其肯縻儼然
朱黃積有劄錄吾又以焉

鄭專門之學待先生也自
是而立朝論思其見於金
華之遊者多矣大隱然儒林
間望三隆而地崇矣則便遭
已巳大禍白雲樹屋始以

皇極殿為號身之既廢道亦
曰損矣隱求初心惟瀛洛
繫聞是程先生之所以安
身立命蓋以是終焉竊嘗
論學於三代以後其等寸有

三文章也訓詁也儒者之
學也伊川先生嘗以此語
學者勉其務本然自朱子
猶未能直造其約紛然用
心於詩騷兵禪者自其少

年猶日氣旋覺其差而損去也然則苟非自誠明者鮮能免此即先生之終始博約大略有二變亦非可諱者也然先生之所以為先

生易於問而已矣自其一心印出而散於云為者無適而不隣於明通公溥故其於續言不能為蹈龍象尋捨則純乎已出而已其於釋

經不能為穿鑿牽強則怡
然理順而已過此而存誠
致知造乎深密要為一味
易簡而已覽斯集者雖欲
初晚之別而粹駁且是棟其

如俄然一色焉何哉詩曰
威儀棣棣不可選也夫既
不可選矣又何文與道之
異論乎文有未至亦非可
謂道也夫言天下之至蹟

則詞費而理隱者有矣獨
能簡潔以闡之折衆口之
淆亂則氣激而論物者有
矣獨能和易以暢之到曼
醉之垂畢則卽遽而音促

者有矣獨能整整暇以收之
試看夫於其掩翳也而冰
壺秋月之瑩焉於其培擊
也而和風慶雲之會焉於
其急滾也而行采齊鳴和

卷之三
驚之即焉韓子所謂昭晰
者無起優游者有餘猶有
未贊者乎蓋天地間固自
有順氣中聲不乖不雜與
人心相流通者自然成象

而八律一涉作為輒問隔
以失之先生於此得之以
易簡斯其文與道之兩合
一者歟嗚呼三洲承誨之
夕屢見其感然攢眉曰文

人忘業無時可了恐妨我
晚年讀易斯可見返約工
夫向晦愈密而默而成之
存乎德行殆將六十化而
不止也此又門人之不可

不與聞者故並以為述
崇禎紀元後八十二年己
丑九月弟昌令翦謹書

東坡集卷之一目錄

賦

東征賦

憶遠賦寄茅島主人 族姪時德

敬次晦翁感春賦和寄人朋盛叔 得一

悲松樹賦 并序

詩

敬次尤齋宋先生 時烈題道峰韻

春夜偶至楓溪與士興 時傑昆季晤語異朝賦

此寄之

疊前韻答士敬按時作

夏日即事

鑿冰行

隨家大人赴謫朗州道間追賦酬士興士敬

道岬寺

碧澗亭

東浮圖

朝向九井山人勝峯贈以紫竹杖

九井峯

一自九井迤向孤山路絕險幾不可行

孤山菴

次李白紫極感秋詩

將赴京夜與子益弟昌翁大有弟昌葉呼韻同

賦

南平訪趙子直扣愚謫居留贈

西湖春泛四首

合掌窻

自朗州北歸到丹巖驛賦示察訪鄭譽叔治

次韻贈志事齋主人李同甫喜朝

同甫寄示二短篇依韻合成一首以答之

秋懷

訪重興寺

曉行

敬次家君月山紀游和南雜詩韻 二首

在朗州次趙定而 正萬見寄韻

上驪江舟中夜宿 二首

栗川途中

詠田中羣鴈

曉發天安

車嶺

到公州適館老媿家見破琴在壁戲賦豔體

蘆嶺

赤壁

勿染亭

曉發公州

過峒隱舊居

山民

谷雲

家君有內移之命往候于龍仁過期無聞

初至東州敬次家君韻

以家君命兄弟分韻得蒼字

逸士與昆季移家入茅島

續成夢中所得梅花詩寄士興兄弟

行視峒隱舊居 二首

新屋久不成夜中獨臥口占 三首

次李君季愚齊顏韻却寄 二首

雪後村老金公 聲大來過同訪白雲山宿普門

菴有僧翕然方開講

謝季愚借驢

次伯氏韻錄奉季愚 二首

次季愚韻却寄

齋居有懷述寄李樂甫 賀朝申以開歲之約

除夕述志

敬次家君除夜感懷韻

次季愚韻

齋居用陶辭木欣向榮泉涓始流分韻為詩 八

山居無事偶讀陶詩二篇輒爾和成 二首

一雨夜用燈前簷花四字分韻

夜坐喜得瓜酒分韻

夜坐望楓溪憶昨飲追寄與安使君 族兄處達

余在道峰子益與士敬諸人約自妙峰菴來會

一甫作不至悵然有作

翼日子益與諸人至 三首

九日會楓溪流觴賦詩良夜乃罷

夜飲楓溪時池閣新修

大殿端午帖 二首

秋日陪諸父為宗會于西山席上醉草

宗會既罷復與數二兄弟飲清風池閣

謹次小宰洪公 萬容 賀班志喜韻

夜坐限韻

農巖集總目

卷之一

賦

詩

卷之二

詩

卷之三

詩

卷之四

詩

卷之五

詩

卷之六

詩

卷之七

疏劄

卷之八

疏劄

卷之九

疏劄

卷之十

啓

議

講義附王尚書故事

卷之十一

書

卷之十二

書

卷之十三

書

卷之十四

卷之十四

書

卷之十五

書

卷之十六

書

卷之十七

書

卷之十八

書

卷之十九

書

卷之二十

書

卷之二十一

序

卷之二十二

序

卷之二十三

記

目錄

三

卷之二十四

記

卷之二十五

一題跋

篆書

箋狀

上梁文

贊銘

祝辭

塔書

卷之二十六

雜著

卷之二十七

墓誌銘

卷之二十八

神道碑銘

墓碣銘

墓表

行狀

卷之二十九

目錄

祭文

卷之三十

祭文

哀辭

卷之三十一

雜識

卷之三十二

雜識

卷之三十三

雜識

卷之三十四

雜識



農巖集卷之一

賦

東征賦 辛亥

風台聞夫東表之有山兮繁僊真之窟宅蟠靈根於
 禪海兮揭高標於析木邈殊絕乎中州兮猶擅勝於
 八域甘亥之步武未窮兮周王之轍跡未經佛氏空
 言而莫覩兮華人結願於他生笑并觀之局促兮思
 矯翼而遐舉蕭晨忽其感懷兮遂戒裝而東驚循長
 路之威夷兮踐秋郊之霜露流何深而不揭兮嶺何
 高而不陟過栢田而霑軾兮悲復矢之毅鳧朝發朝

於金城兮臨麥坂而怵惕何百折之脩棧兮懸萬丈
之濬壑洪波汨其中激兮蕩雲壁之前岑乘舟楫而
亂流兮攀絕磴而脇息忻靈境之載邇兮稅余駕於
淮陽賢宰擅其吏隱兮騰臥閣之治聲旣勞余以酒
肴兮又申之以餼糧遵和川之細路兮訪長安之舊
刹菴苑宮之增構兮丹雘燦以日奪覽棟宇之體勢
兮遂偃息於東廂聆金鐸於雨夜兮聲屬耳而淋漓
習昕寤而擠戶兮攬山翠之葱蒨尋幽蹊而理屐兮
闡百川而深入巖峭立而援地兮冠怒湍之迅急叢
篠終以壽藤兮路幽昧而蒨第靈源遠而未極兮接

倦跡於顯佛躋宗岡而步壑兮得三日之古菴歷安
養而乍憇兮窺鬱淵之沈沈蒼崖削以萬仞兮躡危
棧而眩慄迤白華之廢菴兮遂弭節於表訓播旒檀
之妙香兮殷蒲牢之洪韻夫又何泉流之轟激兮發
深省於宵寐溘埃風余上征兮躋天乙之巽鬼遇天
雨之新霽兮觀萬谷之浮雲乍飛揚而晦靄兮森瀆
洞而馳奔紛溶溶其四散兮象怒濤之崩潰羣巒隨
以出沒兮類屋閣之浮海覽竒變其未已兮蕩填胸
之竒懷倦從倚於寺樓兮聊容與而徘徊風颺瀏而
盪壑兮劃雲翳之掃盡森萬峰之迭出兮若踴躍而

奮迅指香鑪之雙跂兮瞻日月之對出望高特秀於
白馬兮穴網並擢於無竭毗盧崛其特起兮據玄武
之正位邈處高而獨尊兮拊兒孫之列侍惟衆香之
絕奕兮鍾一山之精英堆藍田之積玉兮曜朝日而
晶熒紛萬千之異狀兮咸逞奇而效態忽如往而將
旋兮羌欲合而復背崑崙峨而高撐兮駢連繼而相
屬躋此變化之無窮兮認元氣之磅礴援物類而想
像兮曾何足髣髴其形容審周禮之未已兮忽望舒
之在東湛凝思於中夜兮漱正陽之氤氳穆虛靜而
無爲兮驗一氣之孔神朝吾將濟於開心兮僧告余

以堅絕憑肩輿而下降兮躡危磴而左折略天德之
廢墟兮訪圓通之幽境巖崖煥其丹彩兮楓栝交而
蔭映搏香藤之翠壁兮坐綠苔之幽石風颯颯而振
柯兮水泠泠而瀉壑投蘭若之深邃兮涉不死之福
庭倚喬松而示嘯兮悅羽人之可仍景庵覆而向晏
兮悵遲疑而顧旋溯亂流而投筇兮躡元化之洞天
屹金臺之上出兮聞清唳於鷺鶴觀蓬萊之老筆兮
駭怒猊之抉石天門關而呀然兮滙衆流於一谷奔
濤壯而並馳兮若萬馬之赴敵觸湍瀨於穿石兮聲
吼怒而澎湃雷隱轉而震響兮霏雪濛其晝晦躋心

目之俱壯兮聊翔游而周章登巖窟之危構兮褰一
柱以高翔經千劫而不仆兮詎憑依於佛力躋獅巖
之蜿蜒兮頽淵龍之幽宅何脩鱗之閉藏兮曾莫覩
夫威神豈雲雨之未逢兮葆陽德而自珍窮溪源而
信步兮夕歸次於摩訶攀叢桂之偃蹇兮倚白雲而
浩歌瞻香城之落照兮爛秋色之蔚蔥惟飛走之兩
絕兮疇魑魍之或逢登鴈門而反顧兮觀衆岫之靡
靡惟盧峰之岑崒兮信所立之卓爾苟寸進而拾級
兮豈云余力之不足羌猶豫而却步兮愧余志之自
畫仙臺兀其上慄兮聊以抒夫偏塞睇雲屏之北峙

兮儻自天之懸瀑墜九地之黜冥兮派十二其相屬
乘磴道以步降兮問老禪於大寂楓林絕而背日兮
霞彩蔚於巖谷投榆岫而下輿兮步山陔之高樓壯
傑構之耽耽兮寓余目而摻流脩廊繚以四周兮殿
宇峙於中央蹲瑤獅而伏甃兮抗應龍而承梁紛入
天之續壁兮煥五采之成章因瓌材而逞巧兮幻西
竺之竒峰羅金身之五十兮具端嚴之妙容嗟王道
之漸降兮遂異教之日繁傾天下之貨財兮輪尾閭
於山門原茲宇之創始兮異僧言之誕漫彼法喜之
作記兮甚推波而助瀾廬其居而火書兮契余感於

韓子朝余游於九淵兮水汨號兮石齒齒捫蘿葛而
窘步兮爭鳥道於狽獲巖蹊轉於絕壑兮忽二蒼之
歧翼窺維摩之丈室兮棲向壁之老宿吸飛泉而漱
腐兮養青松而爲餼形枯槁而外悴兮神炯炯而內
暖慨吾人之學道兮曾爾禪之不若惕內省而有警
兮信他山之攻玉排中天之灝氣兮踞萬景之危巔
臨東溟之萬里兮渺秋色之蒼然天風忽其四起兮
颺余身而欲顛凜回輿以復路兮指海濱而遐征山
巖巖而四圍兮水幽咽而逸行登中臺之岩峽兮路
愈下而曲折涉百川而東出兮見原野之始豁心遲

遲而有違兮歎仙山之冥漠羌中途而回首兮忽萬
峰之盈矚驚真面之在是兮猶突兀而赴人逸海山
之高亭兮聊騁望而游神惟瀛海之浩漾兮與太虛
而相際混兩曜以吐納兮倏陽開而陰閉夫惟涯涘
之莫窮兮又焉測夫所底曩余視江河其浩浩兮曾
不盈乎勺水惟下土之聞道兮固見笑於大方倚前
楹之曉色兮候出日於東方雲鬢鬢而乍晴兮天憲
霽而欲明重輪浴於海底兮騰赤暈於扶桑嘗將升
而復沉兮忽若存而若亡光條煜而不定兮波上下
而踴躍紛金支與翠旗兮爭髮鬢而奔屬義和翼其

卷一
整駕兮挾六龍而高躋赫太陽之四照兮開萬國之
洪荒觀竒勝而自愉兮撫六合兮神揚揚乘蘭舟而
泛浦兮遵曲渚而徜徉仙游遠而莫追兮湖水深兮
洋洋尋丹書之舊蹟兮石難答於終古日既暮而忘
返兮採白蘋以延佇戒僕夫以晨發兮度壅遷之危
坂屋斗絕以下垂兮石岑峯兮橫棧卸余馬而跼步
兮窺巨壑兮凌兢驚波峯其怒起兮若雪山之崢嶸
俄長虹之下飲兮爛異彩之霞閃紛偉觀之滿前兮
忽吾忘夫涉險過門巖而北出兮按余轡而徐行循
鳴沙之細路兮從白鷗而回翔扁通州而息駕兮覽

海濱之叢石巖臺轟其累積兮峰屹屹而高削形既
直而隅方兮宛繩墨而剗劂擢千尋而竦峙兮子託
根於溟渤零中立而不倚兮確終古而難拔伊剛德
之可師兮夫孰云物之頑然顧末路之頽波兮疇若
爾操之貞堅摩南崖之短碑兮撫四仙之遺踪超塵
世而獨立兮攬積氣之鴻濛笑秦童之不返兮陋箕
封之偪隘搏鵬背之扶搖兮駕六鰲兮出天外隨雲
霧而拜東皇兮載永郎而與之嬉晞余髮於陽谷兮
濯余足於咸池擊若木之柔枝兮吸玉靈之清英精
飄飄而上浮兮軼埃壒兮凌青冥俯四海其猶鷁耶

今夫豈辨銀臺與金闕欲度世而忘歸兮懼余志之
淫泆耽舊邦而回駕兮聊抑志而按節昔夫子之元
聖兮小天下於登岱而孟氏之喻道兮謂難水於觀
海惟海嶽之大觀兮固前修之所快豈耳目之是徇
兮寔動靜之體察彼蓬萊與方丈兮竟茫昧而恍惚
苟仁智之既盡兮又何必學仙而遺世微聖賢其吾
將曷歸兮願依鄒魯之遺軌

憶遠賦寄茅島主人

族姪時傑○巳未

登高丘而遙望兮余有懷夫遠者飄風發其四起兮
雲莽莽以蔽野脩路重阻以冰雪兮鬱岡巒又峻塞

心凌厲而馳邁兮欲往集而不得昔余與女遊兮嘗
朝往而夕來迨暇日而翔翔兮續酒食以娛時扣書
詩以追琢兮申歌詠以繼之夫何此樂之不可長兮
又故居之不可懷出國門而遷逝兮焉壘壘而背遠
羌東西之莫當兮况山海其相離絕望海水之湯湯
今島嶼汨其出沒葺幽廬彼中洲兮邈爾獨處乎菴
蘆夫何樂斯之幽隱兮龍與鼉之雜居伏嵒巖之冥
冥兮余又同羣乎鹿豕玄熊萃於戶庭兮虎豹嗥號
以騰倚樹蓬藿以塞門兮吾誰與此息偃眷儔匹其
日疏兮尋往昔其日遠臨顏歲之廩廩兮慨良時之

不吾反夜反側以屢興兮仰觀天星之列次彼何箕
斗之南北兮永終古而不比心惆悵而不怡兮思糾
結而莫釋覽都邑之總總兮車與馬其馳逐日往來
之翕翕兮笑言嗻咿以相樂對面之不可知兮有旋
背而離逝夫惟君子之壹志兮固彌久而弗移神與
心其相屬兮豈山川以間之契濶之匪遠兮又何懷
夫同堂願德音之靡忒兮終歷年而不相忘

敬次晦翁感春賦和寄俞寧叔 得一〇庚申

風余馳騁乎世趨兮心有憂而違之投壘巖而絕跡
兮與鹿豕乎相期靚潛思而眇觀兮悟世運之隆替

勛華絕以不可慕兮宜隱約而守志聊偃徊余棲遲
兮忽吾涉夫冬春相陰陽之變化兮展不肯乎假人
往余有志於前脩兮期日邁其遺訓夫何大道之遠
遠兮余曾不進夫尺寸心慷慨而發憤兮訖切眇乎
鳴琴時蹤履而縱步兮肆余日以娛心俯滯瀨之汨
逝兮仰林岫之峭蒨樂禽魚之羣游兮慨有懷而莫
見吾旣無與玩時芳兮又孰留此景光冀同好之眷
余兮報德音以瓊瑤時冉冉其不可再兮情婉孌而
不可忘吾將抱耿介以終年兮苟處幽獨其何傷

悲松樹賦 弁序〇辛未

馬居集
余所居巖巖宅前有大松樹甚奇壯幹直而柯偃蹇
之若青幢翠蓋然今年余置草堂其側專爲此耳堂
既成而松顧益勝俯仰蔭映令人意遠暑月元爽然
也方將築其下爲壇穿池引流以周之池甫穿而壇
未築乃季秋二十有一日大雷電以風風自西南來
轟轟動地揚砂走石凡繞宅之松被折拔者四樹而
是松不免焉余時適自外歸馬未及門而童子奔以
告余余爲之驚惋却立不忍遽至其前徐而就視則
磊砢之幹夭矯之枝摧裂披攘狼藉於地上而鱗鬣
奮然怒張鬣鬣若李元禮孔文舉至死而氣猶凜凜

余於是怛然傷幾乎涕下旣彌日而意中怛怛未
已也余旣素喜松而白雲之麓其地又宜松舊時松
之植於澗谷水濱者林立彌望雖西湖之九里洞庭
之水月無以過也近以峽氓漸繁其伐材取薪者奔
片日入而蓄田之火又時及焉松於是日耗矣余竊
病焉而顧力不能止也至於近吾之居可以觀玩讓
託者則亦未嘗不庇護呵禁松之顛余以得免者亦
多矣是松也旣近在吾戶庭爲朝夕之玩尙過吾門
者固無不賞其奇而賀其得余而壽也孰謂事乃有
大謬不然者而虎倒龍顛只在於目前耶豈其生也

固有命而非吾力之所能與耶抑吾之畸窮固不足
有是松而反爲其累耶是未可知也抑余竊有恨焉
松舊爲野火所災其下體之燼者數尺雖其根株傍
礴若可以無憂余猶將厚爲之培雖而未及爲也向
使余蚤得爲此風雖暴其尚可以免乎然而顛崖之
上野田之中松之子立而傷燼者亦多矣而風不能
盡拔之也獨於是松乎肆其暴何哉嗟乎松亡而吾
草堂之觀盡矣余嘗謂園林亭臺之勝不難於花卉
竹石而難於喬木喬木之中唯松栢爲尤難蓋其栽
培成長至於十尋而連抱者非數十百年之久未易

言也是以王公貴冑好事之家力能致殊方絕域海
外日南之奇花草車輦舟載萬里以至而至於喬松
老栢苟非其地之所素有雖欲以千金之價萬牛之
力致一株於園亭之側亦莫能得矣况以余之貧窮
無力而得之於無意失之於不虞豈不重可惜也哉
詩不云乎如可贖兮人百其身苟是松而可贖也則
雖有名花百種奇石千品吾固不惜矣而是又安可
得哉余嘗讀子美栢樹篇每歎其悲壯感激善模寫
物象人情乃今益信其然嗚呼子美千載人也何其
能預道吾意中事若是之深切哉余旣久廢爲詩且

令勉而爲之亦未有出於子美之外者故輒爲騷賦
一篇以寄吾悲亦猶子美之遺意云

夫何松楸之可哀兮歷年歲之彌久上竦脊乎百尋
兮下磅礴乎數畝旣體幹之磊砢兮而枝葉之峻茂
鬱玄雲之覆壑兮倚青霞而孤秀皮皴剝以虬鱗兮
蓋蒼龍以翠羽諒受命之獨正兮貫四節而難朽露
濯濯以膏髮兮雪垂垂以冰鬣月熒炯以金彩兮風
嘈啾以龍吟紛變態之可喜兮允所託之得宜臨山
臯之與衍兮帶薜薄之靡迤控鷹巖之峽兀兮面麝
峰之厯屐挹清冷之遠瀨兮蔭明月之孤磯超氛埃

以迴立兮儼落穆以自持余竄身於空谷兮覩茲奇
而寤懷惜野燼之爲災兮猶勁質之未衰苟培塿之
深固兮繫千齡之可期結茅棟於芳側兮將於汝乎
託棲被青莎而下築兮激流泉而漱之寒朝攀而夕
息兮示逍遙乎無爲匪廣莫之樹樗兮似淮南之叢
桂惟麋鹿之下游兮詎匠石之過睨何莖秋之雷雨
兮乃從之以飄風砰砢磕而隱震兮倏歎欲乎岡陵
激脩幹而回憂兮搜老根而撓扞乍東掣而西靡兮
極前排而後侈始窳窳以枝梧兮終善然而摧折宛
龍身之仆地兮象山嶽之崩裂委朽骨之錯落兮垂

血淚之縱橫會萬牛之莫動兮奄一夕而歎傾僕夫
悼而色沮兮行路過而傷心黯戶庭之蕭索兮鳥雀
斗以哀音嗟茲禍之孰爲兮吾將罪夫董廉秉上帝
之威令兮固生化之是爲宜時動而勿暴兮俾萬品
而咸遂矧茲松之勁直兮尤所篤於天意茲百年之
雨露兮所以成之甚艱雖雪霜之震薄兮亦彌固其
本根胡罔念夫栽培兮乃曩怒以覆之彼曲木之擁
腫兮與散材之支離既罔賴夫息蔭兮又無取於觀
望固新植之是堪兮雖折闕其無傷何置此而不問
兮廷淫威於匪宜兮山藪而無光兮使鸞皇而靡依

竊化機而妄用兮審厥罪之難貫彼豐隆與雨師兮
乃朋黨而相濟宜駢首以誅殛兮比茲松而雪冤皇
穆穆以深居兮若瑱耳而罔聞欲高飛以上躋兮扣
玉陛而昌言昊穹遠而靡階兮雲憑憑又蔽隔懷憤
憑以莫申兮氣絀結於胸臆掩余涕之浪浪兮撫枯
幹以太息

詩

敬次尤齋宋先生

時烈題道峰韻 癸丑

空山肅肅廟門開碧石清泉左右迴可惜當年丘壑
志 君王不故此間來

春夜偶至楓溪與士興時能昆季晤語翼朝賦
此寄之 乙卯

山巖發蒼翠月華散疎林幽人坐虛閣萬籟靜方沈
澗芳識幽花各響聞棲禽偶至本無期却忘閒夜深
起來步庭除竹柏交清陰微風松際來爲我吹素襟
怡然適性靈遂獲塵外心欲去復遲回巖泉有遺音

疊前韻答士敬

族姪時保

達人抱高情寓地卽山林豈如世中士擾擾空浮沈
我家北山下地僻唯鳴禽宴坐絕還徃日看庭草深
林花吐清馥園柳垂幽陰雲歸或送日風至時散襟

西隣有嘉士同我遺世心因之寄此詩佇待聖華音

夏日卽事

盛夏苦炎熱煩抱鬱難舒積雨長蓬蒿舊竹日荒蕪
蒼苔被徑路嘉木繞園廬泥濘浩盈軌誰來顧我居
竟日臥北牖偃仰聊自如好風有時至卷我床上書
過此且欣然何言古人疎

鑿米行

季冬江漢水始壯千人萬人出江上丁丁斧斤亂相
斷隱隱下侵馮夷國斷出層冰似雪山積陰凜凜逼
人寒朝朝背負入凌陰夜夜椎鑿集江心晝短夜長

夜未休勞歌相應在中洲短衣至耐足無異上上晨
風欲墮指高堂六月盛炎蒸美人素手傳清冰驚刀
擊碎四座徧空裏白日流素霰滿堂歡樂不知暑誰
言鑿冰此勞苦君不見道傍暍死良多是江中鑿冰
人

將隨家大人赴謫明州前一日族兄子固

盛完

仲惠盛迪族姪士興士敬及李士登亦皆以夜

至少飲叙別翼朝上興士敬各送詩贖余道間

追賦以酬

高樹多烈風首秋已先寒游子懷苦心得酒難解顏

只為親愛故薄言展殷勤明明夜中月照我席上樽
終宴各不醉四座發悲嘆合思結中腸婉孌不能言
漉彼在庭露幾何晞朝暎將子且無歸我車已戒轅

道岬寺

以下七首係
月出山雜詩

古寺好僧房一宿寄其中鐘鼓知永夜鈴鐺知高風
寤言登具想客塵他自空

碧澗亭

南崖多楓樹北崖多竹林清陰一澗合中見綠潭深
植杖歧幽石飛泉灑素襟

東浮圖

精舍無餘地十畝皆種竹檀欒映牖戶靈籟滿空谷
寄言緇云子歲暮復來宿

朝向九井山人勝岑贈以紫竹杖

竹生在石上未老已昂藏梯雲斬琅玕八尺過身長
持贈見好意險艱得扶將

九井峰

天爲九龍居峨峨作高峰變化曾幾年蜿蜒空舊蹠
尚疑一斛水下與滄溟通

自九井迤向孤山路絕險幾不可行

竦身凌絕頂俯身下罔罅亂石竟高下藤蘿錯其間

獨往意已厲斯路豈險艱

孤山卷

結構寄空表駕石作飛梁自非冥寂士棲息豈所當
九峰在戶牖峩峩永相望

次李白紫極感秋詩

伯父嘗爲此詩屬數三語賢共和今年秋元
翁在蓬山謫所和二篇以來且屬家親以達
小子茲敢不揆蕪拙依韻臚志

昔我北山下手種數畝竹日望枝葉長采實且盈掬
何意衆草滋蔓然蔽孤獨朱鳳自天來哀鳴難託宿

慨焉覽物化生理遂可卜畏塗亮無夷吾行久當復
同心訪初服改轍戒前覆歸歟稅我田力耕會有熟
將赴京夜與子益 弟昌翁大有 弟昌業乎韻同

賦

亦知無幾別聊復永今宵斷行悲嶺鴈離恨寄江潮
歌唱驪駒短書傳赤鯉遙故園花樹在春色久寥寥

南平訪趙子直 相學 請居留贈 丙辰

楚臣哀怨未如君何處登高望白雲澤畔青楓深樹
裏烏啼夜夜不堪聞

西湖春泛

西湖朝望迥極目上春潮濶浸連山盡光浮出日搖
安流迎鷁首高浪沒漁標浩蕩看鷗性憐渠不避撈

其二

小艇搖雙燕清樽載兩頭遙遙指極浦望望下中洲
鳥向空明度人疑汗漫游回頭看月撒秀色半滄流

其三

亂石環洲峙清波掠岸回竹疎侵繫纜沙白照行杯
晚飯炊依樾春衣坐襲苔未愁西日落應泛夜潮迴

其四

極浦潮初上歸舟月並移依依孤島遠浙浙細波吹

鼓枕驚沙鳥持杯勸戡師前灘流尚淺沿溯不嫌遲

合掌窻

石門四五峰峰皆上臺中峰懸佛廬徑斷承一水
競流厨下泉引流不滿竹願呼同來人酌言以相屬

窻中自泉
甚甘冽

自朗州北歸到丹巖驛過雨滯留驛館景致殊
佳且有傷詠之樂感示察訪鄭蕃叔

不見邦居好誰知宦興長亂山爭赴牖一水細通壻
竹簟炎天色荷聞雨夜香人家園峽樹燈火集漁梁
首蒼看調馬榴花照引觴道存簪紱外身隱簿書傍

暇日來賓友新詩滿篋箱他鄉亦歡會信宿意難忘

次韻贈志事齋主人李同甫

書朝

澗水悲鳴繞里墟芝歌唱斷碧山虛空餘醉後西州
淚灑盡君家滿架書

同甫寄示二短篇依韻合成一首以答之

幽人在空谷繞屋盡良疇植杖觀時稼決渠引遠流
田峻告有歲築場待新收農務自茲暇卒歲得閒游
慨然念日月逝者不其悠無為託放曠偃仰老一丘
靈芝不早秀當奈鷓鴣秋

秋懷

蟲鳴癩婦驚木落長年悲丈夫適少壯不宜亦有茲
奈何秋節至意氣每凄其陽陰有舒慘感激固天機
貞脆豈不異變化會同歸九辯有遺歌歎息亮在斯

訪重興寺

高秋霜露洗林立喜見三峰天畔浮絕壁冷霞餘雨
氣淩城斜日映寒流藤蘿古道深難取燈火禪房冥
始投勝處每懷長往志會攀叢桂共僧留

曉行

候曉看天色蒼茫雲雪繁沈沈遠樹靜活活伏流喧
叱馬追前侶聽雞過別村有生皆物役羈旅最傷魂

敬次家君月山紀游和陶雜詩韻

晨朝山氣佳霞色映東嶺筍輿涉磴道步步借幽景
崖峭竹薈蔘石根泉清冷林表望危構渺然發興示
一石梁引高步倒觀九峰影懷奇志未厭阻險跡難窮
馳彼冥樓者三歎愛其靜

其二

嶮削度中峰險處復可喜豈無攀躋倦得盡立窻事
泠泠空外磬了我世中意邪徑絕無人或與樵採值
風篁有遺韻響合夕流駛卽此是希音絲竹可撥置
在朗州次趙定而正萬見寄韻丁巳

歸心日夜被春催，鄉路蹉跎後鴈迴。
澤畔楓林淹伏枕，雲間荻嶺阻登臺。
兒童已作殊方語，梅柳差先故國開。
京洛舊游書斷絕，喜君能更寄詩來。

上驪江舟中夜宿

江漢秋濤盛，孤槎似泛河。
月高牆影直，沙濶露華多。
隔岸望煙火，隣船聽笑歌。
潛魚亦不睡，舫底暗吹波。

其二

夕氣沈長浦，冥冥起遠煙。
鳴撓下江後，引纜上灘船。
物役何曾息，勞歌兩渺然。
夜眠波浪靜，不似柁樓邊。

泉川途中

去歲重陽吾送客，今年我亦發京華。
哀鳴鴻鴈有向意，亂插茱萸知幾家。
縱使登高非故里，可令無酒對黃花。
北隣諸子應相憶，倘復題詩問海涯。

詠田中羣鴈

萬里隨陽鴈，先霜發北邊。
含蘆愁遠道，啄穗下寒田。
顧影頻疑網，聞聲誤快弦。
冥冥九霄意，終被稻梁牽。

曉發天安

征途不可問，雲物晦山川。
露菊明秋岸，星河歌曉天。
雞鳴人起後，鴈度客行前。
駐馬望朝日，長安何處邊。

車嶺

容游元自倦况復路回迷嶺石當人面風林雜馬嘶
山開錦水北天盡朗州西野菊殊無賴籬花憶舊棲
到公州適館老妓家見破琴在壁戲賦豔體
門前錦水向西流十五羅敷與莫愁陌上使君頻遣
問城中年少舊依投歌殘畫扇收明月綺拆紅裙暗
石榴留取寶琴懸著壁逢人不復發伊州

蘆嶺

荻嶺侵雲上峨峨俯夕暉長安不在目遠望未當歸
徑仄難移轍風多數攬衣高空看去鴈欲度更回飛
赤壁

連峰無數上青天下有滄浪一道川削出層巖類神
鬼結爲空翠似雲煙松杉盡向潭中寫日月疑從石
上懸見說陰崖有巢鶴夜深應夢羽衣仙

勿染亭

高屋四面競崔嵬積翠連江光倒迴已謂幽尋窮峻
路豈知深處復亭臺游魚自在寒潭躍老菊偏當危
檻開還與未隨斜景盡竹林嘶馬繫徘徊

曉發公州

層城合宿霧曙色隱高樓水急長橋底人稀古渡頭
鳥鶻初起堞鶴鶴亂鳴洲浩蕩悲吾道長年只遠游

過峒隱舊居 戊午

朝步川上石鮮潔石磷磷源泉逝不息飲濯自古人
古人不可見名姓在山民鬱鬱好松樹寧或摧為薪
町疇鹿作場過者識衡門棲遲今可為安所與託隣
皎皎彼令德巖穴留餘芬異世而同心高歌望白雲

山民

下馬問人居婦女出門看坐客茅屋下為客具飯餐
丈夫亦何在扶犁朝上山山田苦難耕日晚猶未還
四顧絕無隣雞犬依層巒中林多猛虎采藿不盈盤
哀此獨何好崎嶇山谷間樂哉彼平土欲往畏懸官

谷雲

清晨發民家夕暮躋大麓大麓少人行行行見麋鹿
眷言我伯父隱身彼深谷堪巖為室宅衣食惟草木
絃歌詠大道所思匪珮玉我願奉杖屨卒歲同適軸
富貴諒多畏貧賤易為足所以綺皓輩肆志從所欲
家君有內移之命往候于龍仁過期無聞

綿綿野中葛鬱鬱遠道思遠道行何難君子來幾時
嚴駕犯霧露千里越山陔天時間陰雨徒御不其疲
寒衣上高岡引領遙相瞻浮雲如車蓋髮鬢自南來
滔滔彼行路莫知我所懷誰能將好音慰我心渴飢

初至東州敬次家君韻

鐵峽何牢落羅樓限故居松杉壯土廟城郭泰封墟
疊嶺東回阻荒原北望虛山川多朔氣氓俗少詩書
以家君命兄弟分韻得蒼字

冬雪降何盛峽氣厲寒涼同雲冒山澤四野莽蒼蒼
頽景在北陸翳翳不留光中夜坐弊廬寒水結帷床
重衾莫為暖膏火凍不揚窮處身安排時變特感傷
素帙委詩書抽詠申慨慷

送士興昆季移家入茅島已未

獻歲發春氣南征悲楚騷長洲攬社若舊宅掃蓬蒿

龍臥應須靜鴻飛未厭高時危輕遠別不用涕沾袍

九月二十一日曉夢庭中有大梅樹開花甚盛
望之如雪或有因風墜地者忽憶士興兄弟久
在遠不相見手折一枝賦詩為寄沈吟得一句
曰萬點風吹思殺人覺其犯老杜語欲改而覺
室前霜月朗然意甚怛怛遂就前語成一絕殆
猶夢語也不知此詩到日士興當作夢會作非
夢會當作得花看當作不得花看請各下一轉
語以發千里一笑

昨夜梅花滿樹春攀花遠欲寄情親江南驛使歸何

日萬點風吹思殺人

行視岫隱舊居

可愛白雲西真堪隱者棲到來疑物表幽處使人迷
瀑落崩奔石山藏宛轉溪茅茨何日見妻子待相攜

其二

築室何妨小惟須地有餘細泉規引取惡木要芟除
挿棘防過虎穿池待養魚山林亦經濟區畫未宜疎
新屋久不成夜中獨臥慨恨身計未定且念此
歲已暮而數月營營曠廢書籍徒成兩失寧欲
輟業而歸又惜其垂成二端交中耿耿不寐口

占三律

卜宅曾秋半差池已歲闌茅茨劣蔽雨塗墍失先寒
蟻垤慚專智鷓林羨易安何時見苞茂秩秩詠斯干

其二

急景催遲暮寒山雨雪深未成三畝宅還破半年心
妻子空相待詩書曠不尋孤懷盈百慮獨夜坐長吟

其二

振書經營事翛然便却歸極知心力省恐被室家譏
捐拙園籬火柴荆閉雪扉向來懷此樂今去惜將違
次李君季愚齊韻却寄

丘中獨臥有餘閒世路從他百險難不分高名馳谷
口終期皓首老商顏雲峰漠漠連茅屋風瀨濺濺度
石關野外尚憐同好在數題詩句問空山

其二

谷口草屋琴書閒天寒雪落生事艱道人南郭獨隱
几貪上東方常好顏熊羆或來步蕉徑鳥雀不去依
荆關攀援柱樹淹歲暮且與王孫歌小山
李初宗
雪後村老金公摩六騎牛來過同訪白雲山宿
普門菴有僧翕然方與其徒開講

寒山朝霽好一望興悠哉不有騎牛過那成並馬來

路侵米澗轉菴對雪峰開偶值高僧講因之宿未迴
仲尼曰吾猶及史之闕文也有馬者借人乘之
今亡矣蓋歎之也自仲尼至今又數千載則斯
道也固宜益亡矣余家貧不能具少游故段平
居故罕出及來河陰隣居有李君李愚畜一驢
甚小且愛之然余或從君借未嘗有難色自是
每有出入輒若取之外廐者然間余歸觀東州
又借騎以行凡三四宿乃還余既感君之高誼
且喜仲尼所歎以為亡者得復見於今日於反
驢也輒賦一律以謝

昨夜東州雪歸寧父母情憐君一鹽瘦借我遠途行
寶劍何須脫綈袍尚覺輕千秋將聖歎不恨後時生

次伯氏韻錄奉季愚

晚景延幽眺蒼茫野色陰雪峰蕪徑斷雲木鳥飛添
谷響聞寒瀨墟煙望遠林柴荆客散步徙倚且長吟

其二

空山子月晚天色起層陰厨竈生煙細衡茅臥雪添
悲涼懷暮節耿介守中林獨有鳴琴曲堪為梁甫吟

次季愚韻却寄

溪上談茅何太晚素心曾不在軒裳飯牛却自輕齊

相歌鳳誰能識楚狂頗喜王孫頻枉駕相忘畏壘
得同鄉石田且共論生理負郭寧須羨洛陽

齋居有懷述寄李樂甫賀朝申以開歲之約用

酬來章仍蘄反和

結廬倚雲峰環堵隔風雪冥處覽運化恍慨撫徂節
鳴絃發清商諷書散素帙還哉千古心明明不可撥
孰是抱幽獨而無慕傳匹晤言莫與同賞心徒自結
結念屬所思惠好期嘉月深淵網紫鱗中谷採柔蕨
披尋閱幽事錫詠陶時物織辭申爾約引領望來轍

除夕述志

秩秩大猷君子是迪厭厭日月良士是惜越余小子
夙懷于學曾是不力晚未有獲人亦有言靡求不得
相彼蕉萃則有黍稷嗟爾有志曷不彼若德不增崇
業不增廓威儀之愆不顧不飭嗜欲之萌不戒不塞
爾誦爾書曾莫思繹爾交爾友曾莫求益樂是童昏
宴爾居息豈其罔知恃爾膂力昔爾總角亦傲黃髮
謂我婉孌則多暇日廣心自放盤于游樂如駕良駒
不驅不策遵路彷徨罔畏日是壯年奄及忽若朝夕
莫謂未耄幾何其卽六馬有齒則惟求食人生實難
胡寧不惕我心憂傷載悲歲易慨念斯辰逝不云復

中夜不寐至于明發永思象尼三十有立聖豈異人
企其可及譬彼高山始于箕覆罔曰既盈罔曰弗克
夙興夜寐勉勉翼翼慎爾出游敬爾在室先民是則
古訓是述幸新厥德與道借極於乎小子念哉無斁

敬次家君除夜感懷韻

玄天有日月去若車輪馳人生更代謝延年詎能希
賢聖各一世令聞獨不虧企余望古人夙昔好書詩
朱絃唱希音識曲一何稀悠悠懷君子逝欲徃從之
海水不可涉含思當語誰引領屢歎息何時見臯比

次季思韻

庚申

空谷和鳴自種會
深林伐木有幽音
灑東好客看花
至盡日忘歸坐洞陰

春日齋居漫用陶辭
木放向崇泉涓始流
分韻為詩

仲春天氣佳
惠風扇清穆
陽和浹冥凌
冰雪罷百谷
川流渙渙來
搖蕩動人目
潛魚戲暖藻
柔莢發佳木
周覽感時物
運化一何速

其二

終朝坐茅屋
四體無所勤
藜藿不盈槃
對之常欣欣
問我亦何樂
游思在典墳
古道不可追
引領望華勳

慷慨撫我琴
浩歌誰當聞

其三

山居何牢落
四望頗清曠
喬松夾廣川
白雲冒增嶂
眺瞻既多娛
春物復新暢
野鹿行命羣
時禽語相向
誰為同心者
懷哉不可忘

其四

少小無遠志
頗懷軒冕榮
竭來時不偶
巖處偃柴荆
夜聽熊羆咆
晝看麋鹿行
鳥獸非我羣
誰與託幽情
幸有兄弟樂
可以卒平生

其五

磊磊釣臺石濺濺釣瀨泉上有古楓樹託根幾何年
株幹半摧折尚爲人所憐攀援石上坐俯仰念昔賢
異代感同調臨流一喟然

其六

春山有佳色霞氣上蔚芊振衣時獨往荒谷無術所
巖泉恣流憇濯手弄涓涓磊砢千文松披拂好風前
泠然所心善日晚不知旋

其七

田家聞布穀耒耜日就治相呼種春麥東作自茲始
而余長京洛生不識田事明農古有言素食詩人耻

今我不努力歲暮將何俟

其八

屋下清川水深處可方舟磷磷涵白礫素鱗中沈浮
徐行拂春服坐石俯長流從容濠上觀徜徉沂雪游
古人雖已遠此樂今可求

山居無事偶讀陶詩停雲以下三篇無時循事
情致適同輒爾和成只取義近不復文韻

幽幽崇山鬱鬱灌木春氣肆和風日清淑嘉蔬載苞
濁醪新熟我無良朋誰與相屬

晏晏我室環堵蓬草林無駭獸巷無深轍清琴在御

圖史環列我無良朋誰與永日
丁丁伐木在彼陵坡念昔先民與言感斯嗟我獨樂
車彼歌詩豈無他日惜此良時
翩彼黃鳥和鳴睨皖我懷同人載近載遠舍彼遠者
則莫能展瞻望不見誰謂其近

右擬停雲

習習谷風翩翩春服遵彼平臯延我遐矚林有雝雝
野有游鹿晔晔盭婦亦在原陸
青青麥苗茁茁彼田中時雨旣膏從以好風施及百卉
靡有不豐慶彼懷新其樂融融

邈迤清渠喬木蔭映鳧鷖澹蕩魚鼈潛泳縱心獨往
物無與競雖無冠童式歌且詠
中林有鳥戢翼旋返我有衡門亦歸息偃素帙清絃
其寄不淺慨思古人千載匪遠

右擬時運

瞻彼中林嘉樹離離朱華朝敷夕葉已披嗟爾徂落
亦幾何時靜覽物化愆哉我思
瞻彼中林嘉樹森森朝攬其華夕息其陰倉庚于鳴
無幾好音靜覽物化寔悟我心
嗟彼日月逝矣莫返我有良時不可把玩人亦有言

嚮道不倦念茲悠遠曷云能踐
時之逝矣我其借邁道之遠矣我其力請行路亭臺
豈敢中廢庶幾驅策以極遐軌

右擬樂木

雨夜用燈前簷花四字分韻

自慙茅茨小何能致遠朋襟期或脫略文字豈飛騰
淡食分朝薺幽吟共夜燈清溪濯足好時出散髮

作小

夜坐喜得瓜酒分韻

茅齋清夜靜晤語絕喧譁戶牖延秋氣杯盤帶日華

邇來頗憶酒此日始嘗瓜不在羣公會留連到漢斜

夜坐望楓溪憶昨飲遺寄鎮安使君

族兄感達

今宵五馬宿江頭憶著離筵盡夜留却望西山如昨

日青楓白露已含愁

余之在道嗒也子益與士敬諸人爲三角之游
約自妙峰菴來會是日雨作不果至疑行之久
悵然有作

王茂

萬丈峰頭西日照冥冥雲氣散猶遲好雨不應忘客
意春山無那有佳期隔林黃鳥空千轉近水桃花亦

澗流縈伏檻池影倒張燈慣之追游地清幽似未曾

大殿端午帖

薰風吹轉上林園晝漏稀傳建禮門細葛衣輕初拜
賜香蒲酒熟共霑恩虞絃解愠賡歌盛義卦生陰儆
戒存 聖主從來不受獻阿誰金鑑進微言

其一

律應寒實動星看大火中盛陽方在上靈雨復從東
隴麥占豐歲官槐引好風九重深拱默神化自流遠

秋日陪諸父為宗會于西山席上醉草

穆穆良宴會秋日西山阿崇崖挺樹府菊播黃蕪

肆筵竟長谷瀧鬱儼星羅豐醑待斟酌數斗不為多
稱觴壽諸父笑談穆以和游目顧中林感德為與蘿
取譬亦不遠頗弁有遺歌恩愛詎由外纏綿誠匪他
努力敦斯義積善弘我家

宗會既罷復與數三兄弟飲清風池閣

歡譁殊未疲馳景忽西落散筵松林阿移席清風閣
曲池映華榭高炬爛炤灼歸騎紛馳散留鳥尚交錯
視樽惜餘瀝騰觚命新酌逸興盈素襟嘲諧相噴薄
童戔乖畏罰嚶鳴固同樂申歌屬四座側耳佇來作
謹次小幸洪公萬容賀班志喜韻

數旬憂喜迭乘除瘳疾全勝未疾初慶洽 宗祊終
百少慮深 長樂自今舒藥囊可道醫工力金匱無
煩祝冊書共指南山祈 聖壽彤庭左右簇冠履
夜坐限韻

今夕殊無賴悲吟坐北堂玉知來日短意與古人長
夜字遠燈火朝衣犯雪霜功名竟何物徒使性靈傷

農巖集卷之一

農巖集卷之二目錄

詩

明聖王后挽詞六首

楊山途中述哀

記夢

臥病志哀

俞參判 蜀夫人挽

振威客館

稷山客館阻雨晝裏

行見田野間南澤霜足禾麥皆茂喜而有作

端陽

謂崇賢祠略述諸賢本末用富山仰之慕五言

直廬述志示徐魯望宗泰僚見

贈別陝川趙使君景望

十四夜直廬

十五夜風月甚清危坐哦詩三鼓始寢

李士涵淵挽

玉堂次同甫直廬詠懷韻

秋夕出石室路由羨陰江上

賜對熙政堂親降封書勅勅丁寧拜受而出到

南關王廟折見

陽智途中

忠原途中

過可輿江水清澈晚可人意

自清風向丹陽

郵卒採野菊插頭

安東途中

夜夢甚亂起而書之

九日

過游伽師山途中賦長篇到陝川書呈太守見

晉州有感二首

國城途中

渡海入巨濟

到右水營閱三鎮戰艦

自永登浦乘船向統營

浮海有感

路中誦陟岵詩輒用其語推廣為五言七章訖

海行四首

海上觀日出

同萊州朴使君致道登梵魚寺義相臺看山城

形勢俯視對馬島如几案

謁冷隱祠墓

送南右相九萬赴燕

金鍾城耕五挽

除夕栗北哭亡弟墓書懷

定而家飲餞以光風霽月金聲玉色分韻

宿石谷大有莊舍

別席

途中望三角山

過通溝山路漸幽

宿斷髮嶺下

朝登嶺上望楓嶽

百川洞

萬瀑洞口

碧霞潭

摩訶衍

歸到萬瀑洞口遇雨

萬瀑洞

宿青蓮菴

用左太冲振衣千仞岡濯足萬里流為韻述游

事始末 十首

龍興江

北青贈兵使 尹時達

磨雲嶺

月波軒敬次家君觀日軒韻

磨天嶺

吉州

自吉州向明川

過鬼門關

鏡城

韓門

伏聞親禱社壇輒得甘露茶書志喜

萬里

井梧

過車踰嶺歷茂山至會寧七首

登茂山等嶺始見豆滿江

會寧途中

防垣途中

鍾城客館

潼關鎮

自黃栢坡尚訓戎鎮

訓戎鎮早起登東城

登撫夷堡煙臺望見胡地八池

慶興

西水羅

途中有懷諸弟

歸鏡城

歸營之夕卽八月十五夜獨臥口占

夜吟

詠懷八首

金剛窟敬次家君韻

會象臺

下會象臺向堯率菴

堯率菴敬次家君韻

重陽日同兵使及判官登元帥臺

十四夜獨上南城樓

射鵰歌

城津二首

老僧道微軸中謹步曾王考韻以贈二首

歲興五首

鐵嶺

送崔汝和錫鼎赴燕五首

題畫鴈障子

晴暉閣留仲裕族弟歲後對酌同賦

次趙成卿聖期韻

再疊

三疊

崔肇天杜岳賣宅挈家往驪州賦贈

次趙成卿韻二首

農巖集卷之二

詩

明聖王后挽詞 甲子

相門天篤慶女德古無倫率土歸慈母 先朝有亂
臣身基二南化淚盡九疑巡萬代尊徽號煌煌寶冊
新

其一

社稷危疑際彌綸保護心十年扶 少主一日掃重
陰外戚干恩絕烝黍酌澤深國憂猶未命傳誦共霑
禱

其二

聖體曾違豫 慈顏久帶憂
多聞內庭禱 並却大官
羞感激蒼天 勤歡欣翼日
瘳泰平方自此 何遽趣真
游

其四

賀禮纔朝撤 慶儀已夕張
人情錯悲喜 大意劇蒼茫
武帳尊臨罷 寒泉 聖慕長
春來萬壽殿 虛擬玉卮
將

其五

問寰虛長樂 雞人報舊鐘
空留鏡奩物 未覩翟衣容

夏葛悲鳴鳥 春桑老濯龍
祇應勤儉化 歌詠於鴻春

其六

並壤遵遺令 因山倏已成
永違千乘養 非復六駟行
雪涕連窮谷 雷號動滿城
東門望松柏 聖孝若為
倚

揚山途中述哀

晨駕出郭門 默默內悽惻
酸鼻遠泝風 掩涕屢震臆
天陰晝晦野 正日雪盈尺
悠悠我何往 求汝萬歲宅
彷徨北斗川 悵望閭山柏
長逝苟有魂 先寵且勿隔
嗚呼獨有此 萬事哀何極

記夢

恍惚夜何夢髮髯復熹微呻吟西樓下死弟却生歸
阿母泣前抱舉室驚噓唏蓋棺謂示已游魂何來斯
卽理匪思存方夢已然疑開晨惕震哀撫衾默露顏
反側繹曩觀盼望歧來期冥冥霧月匿曖曖空雲飛
循虛誼有微積想枉成癡巫陽久上天已矣將何悲

臥病志哀

翳翳窗間日滴滴簷端雷深房引衾稠苦病謝延候
輾轉抵一床昏墊已三晝積哀有攻心成疾甚疾首
羣行若遺忘塊處方抽扣弱念誠難持流淚動盈袖

撫跡詎可掃數往者成舊營魂遠若近瞿然顧左右
薰薰笑語溫濯濯神容茂影變異見焉如惆悵示窳宙

俞參判 湯夫人挽

夫子朱輪小子聽門闈喜氣晚逾融一男亦自芝蘭
秀七麥菴聞琴瑟同東峽鹿車回昨日北堂斑舞罷
春風白雲山色迎歸櫬是處稱觴似夢中

曾在永平與壽康

振威客館

驛小館宇古床簟亦自具解鞍景未跌伏檻風稍度
四山赴牖戶流日領野趣增東兩銀杏鬱鬱百年樹
布陰接青槐夔鳴鳥羣聚忽謂坐林藪未信在行路

嵩崇賢祠略述諸賢本末用寓山仰之慕

文翼國梁棟偉材豈把拱搢笏自儆前屹若泰山重
涕淚救羣賢噴薄見大勇尚想巖下電怒目使人恐

右鄭文翼

冲菴負遠學高朗厲志操致 君動引古立身亦已
早奇禍甚墜淵何由信蒼昊沈沈神武門冥冥漢學
高

右金冲菴

宋公仁者姿肫肫古人如太息慕勳華經綸用詩書
哀哉龍蛇禍千載為霑裾崑玉既共焚門蘭得無鋤

右宋圭菴

沙翁古醇儒蚤服石潭教下帷積潛玩道凝符辟貌
片言折禮訟衆說息紛鬧且看及門賢方知作人效

右金沙溪

往者江都破胡來如霹靂二公死同日談笑意自適
從容見素養慷慨豈徒激高義感至今令人淚每滴

右宋公時榮李公時稷

直廬述志示徐曾望 宋素僚兄

羽羽畏雲霄散材惡丹曠控物亮有然顧已每驚懼
振綏逐時髦側足侍禁幄敷納鮮令歆顧問在惠渥

優游取日閒在菊匪今昨充棟窺竹素匣檻翫花藥
神靈度綺疏暑埃遠未關卽事信多美終非我所託
山貨孰可任波流竟焉薄棲巖遠思纏營道宿心落
與誰屬茲僚行矣尋舊約

贈別陝川趙使君景望

使君馳立馬六月南出關火雲挾皂蓋紅塵漲道間
執熱逝何濯笑指伽耶山月潭旣皎鏡風瀨亦潺湲
崑崙學士臺桂樹高可攀摠游控白駒千載或往還
逸興縹緲縹緲清颯激懦頑此去攬玄軌誰知約青綸
我漸金門隱長悲世道艱昨觀障子圖冰呼照我顏

願以喧囂耳一屬紅流灣

白駒事見小說趙公昨以
伽耶圖見示故篇中及之

十四夜直廬

永日苦炎蒸汗流翻衣裳凍雨亦須臾熱雲晚猶張
激響在玄夜清月始盈堂披牖散衾枕盛夏獲微涼
離離露盈翻冉冉風柳揚虛明夜氣還道心移以長
鄒賢山木篇楚纍遠游章微言感何深歎詠屢前床
十五夜風月甚清頗似新秋天氣殊使人不欲
寐危坐哦詩三鼓始寢

九門金鑰下人定掖垣幽皎皎月勝昨冷冷風似秋
清志向枕席涼欲進衣裘可道炎天內今宵得再求

李士涵滯挽

昨過白門外哭君我懷酸老屋掩總幃流塵上杯盤
哀哉七尺軀哉此三寸棺喬松摧脩幹洪源涸清瀾
長策一以窮玄夜何漫漫笑言隔平生情好著心所
揮淚灑素旗靈車逝莫攀尚聞高堂上朝夕望其還
魂去飲此恨鬱結何時寬士涵大人
疾甚諱計

玉堂次司甫直廬詠懷韻

雲山宿計及茫然有夢長為薜荔室海鶴歸心渠似
我月中清淚未能眠玉堂有
雙韻

秋夕出石室路由漢陰江上

出郭望楸梧步馬遵汀洲大江夕氣異流視綠液液
白沙環皎月輕浪蕩羣鷗空青有遠山回薄竟長流
清曠甚宜人寥落况兼秋情紆漁釣事日屬鳧鴈游
獨有萬里心三歎寄虛舟

賜對熙政堂親降封書戒勅丁寧拜受而出到

南關王廟拆見

殿裏承親命城南拆賜書 聖心何惻怛臣職敢虛
徐直置驅馳遠先憂採訪疎高堂二人在臨路為躑
躑

陽智途中

客行履秋晚川塗感蕭瑟
焚焚遠岸菊茫茫野田實
高原被夕風衆響起非一
以我靡及懷薄此將頽日
前誓香難窮却顧懷如失
悠哉征夫勞之去何時畢

忠原途中

蕭瑟川原氣深知昨夜霜
日寒江正綠秋熟野皆黃
高鴈歸雲遠浮驂去路長
故鄉回望絕羈思轉茫茫
過可與江水清澈悅可人意

汨汨赴脩塗搖搖積旅思
峽江忽寤懷聊以緩長轡
綿延雖一路回轉每殊致
磊磊奇石見炯炯素沙被
穀文布淵淪竹箭讓湍駛
雲日遽相照景氣多變異

不謂原隰勞兼領滄洲事
平生篤斯好喟焉注深奇
湖涸終何向碧樓在延歧

自清風向丹陽

江路采深入峽山轉稠疊峻
峰踰百尋丹碧煥燁燁
霞標建終古下與清流接
湍瀨相縈薄紆直隨澗陜
乘流下舟筏歌笑遠相答
初謂行山陰忽若溯巫峽
應接信不暇阻險曾何懼
中林縹余馬恨未鼓輕楫
雖欣新眺玩終是暫游涉
回轅或虛徐賞心覲終愜

郵卒採野菊插頭

可憐野菊無人採丹蘂蕭蕭
露草中今日得歸頭上

插風流却在馬前僮

安東途中

鳴雞起我早，赫馬凌寒晨。遲遲遠嶺旭，莽莽荒郊雲。
高林墮素葉，迅風揚路塵。淒矣履霜節，勞哉飲水人。
郵委敢求安，策名固致身。宸駕限虞嶽，睿想紆
周民。觀風寄邇列，省欵擬親巡。天書在我懷，玉
音耿耳聞。寢興抱怵惕，原隰遺苦辛。庶殫周爰勞，報
我明后仁。

夜夢甚亂起而書之

客中心緒似雲多，夢裏紛紛哭且歌。哀樂極知難並

立故園消息定如何

九日

金山九日起風埃，使者南馳不顧迴。一路開花黃菊
徧，誰家送酒白衣來。亦知故里歡娛少，終覺殊方物
候哀。况是嶺雲橫極目，望鄉何處覓高臺。

余聞伽伽海印之勝久矣，今者奉命路過遂得
略窺山門，其巖壑棟宇固壯麗，稱所聞而孤雲
舊躅尤令人起感。途中輒賦五言長篇五十八
韻以記之，亦未敢書以示人也。後十數日復到
陝川郡，齋始取紙筆書之，奉呈太守兄，或有寺

僧來過者可出示之

朝發金山南策馬行百里借問伽伽山蒼然眼中是
崑崙大嶺表秀出獨無比舉鞭喜始覩逸興殊未已
行行入谷口短景追濛汜是時九月初霜露蕩氛滓
璀璨萬楓樹照爛崖谷紫暝度疊石臺喧聞水聲滿
路窮得諸天壯哉羅代寺增構繚脩廊中有僧千指
解鞍嶺月高深房夜睡美天明起披衣壯觀何靡靡
千棟排雲出連棟若鱗齒中窺駭沈深仰睇歎躡趾
綺疏籠朱霞藻井披丹藥鯨吼六時鐘龍汪百筒水
森嚴塔劫雄慘愜壁畫詭經臺賞最殊緇徒指相視

貝葉百千編刻鏤盡登梓之棟度高閣堆疊玄雲起
頗聞鳥雀遠未受兵燹燬嗟哉此孰爲用心亦已侈
焜煌古六籍傳世多瘡痍誰令異教言終古不可毀
驕莠掩良苗久矣失芸耜振衣步古臺引領望崔子
仙游排冥筮千載疑不死青冥懸玉琴絃斷舍宮徵
冷風自度曲如聞素腕理飄飄想逸韻感歎久徙倚
却下紅流洞水石燦如綺風顛連月潭步步皆可喜
傍看絕壁大高眺衆峰峙百泉中奔湲噴薄不可止
一唱孤雲詩三嘆感妙旨蒼崖攬古刻數字鐵相似
當時二十八磨滅獨有此髣髴雲漢曉列宿餘參觜

徘徊惜不得世遠終已矣嗚呼桂苑筆曾傾天下士
雞林氣蕭瑟黃葉感將委冥鴻一以舉滅沒竟誰全
尚聞南昌尉時游吳門市高人避時危達士遺俗累
高山與鹿門浩蕩同一軌顧慚昧遠引簪纓在相被
摧藏籠底鶴局促池中鯉榮途有得失吹萬相諭訛
今古一是非昔人已掩耳涇渭日頽洞其誰識涯涘
逆將決焉去遺榮如脫屣行採赤芝秀不惜青鞋屐
此意竟徒然崩奔問行李商飆振長路秋日忽移晷
立馬武陵橋回首仙源裏寒溪響如昨碧雲猶在邇
去住與願違舍恨何時弭多謝山中人歲暮且相俟

晉州有感

郡邑隣滄海樓燕壯晉陽冥冥漳雨暗渾渾暮江長
戰伐餘天塹經行問國殤城陰駐馬久感慨欲濡裳

其二

慷慨黃兵馬詩書金健齋孤城多義士百戰蔽江淮
嶺石名兼壯川寬氣不埋時危懷徃烈誰與數公借

固城途中

原隰逾千里南征且未窮漳江蒸白霧秋雨壞丹楓
謠俗行行變農功處處同鄉書堊不至數盡北來鴻

渡海入巨濟

雲海青青島嶼微，津亭解纜已斜暉。
繡衣銜命輕乘險，黃帽操舟捷似飛。
水濶浮鷗他自得，天長遠帆欲何歸。
仙槎容易侵南斗，會向星河問織機。

到右水營閱三鎮戰艦

斜日朱旗閃遠空，拖樓看劍坐秋風。
清霜洗海如明鏡，高視扶桑一路通。

自永登浦乘船向統營

風借樓船便，天兼渤海清。
帆開永登浦，棹入水軍營。
龍動隨旗影，鼙奔避鼓聲。
長懷李統制，此地舊揚兵。

浮海有感

客游厭原陸，興在泛溟渤。
解纜已披拂，掛席遂超越。
飛廉假好風，氛祲亦云歇。
羣山互前卻，列島備盈缺。
猶恨滯涯澁，易使日力竭。
不有西南豁，安知滄海濶。
青冥不見端，渺然際窮髮。
大觀忽在斯，喻道豈虛設。
因悟鄒孟旨，兼領蒙莊說。
永願游聖門，免爲大方啜。
路中謁陟岵詩二復感歎輒用其語推廣爲五言七章

我行日悠邁，所思亦多方。
引領望父母，兄弟不可忘。
行復念妻兒，婉孌縈我腸。
何以寄所宣，聽我歌短章。

其二

父曰嗟余子行役踰千里 王事未可監載驅何時
已明明睿雅三肄汝官其始歸歟尚慎旃毋負 上
所使

其三

母曰嗟余季行役不遑寐天寒衣裳單路遠顏色悴
南州霧露積無乃瘴為祟歸歟尚慎旃慰我如渴思
其四

兄曰嗟余弟行役日迢遞死別旣摧腸生別亦易涕
籩豆在我前未共飲酒醴歸歟尚慎旃無使室家僕
其五

弟曰嗟余兄行役多所經莽莽數千里川塗浩縱橫
遠游能無賦靡使來寄聲歸歟尚慎旃釋我鬱陶情

其六

婦曰嗟余夫行役在遠途弊袴誰當濟又誰絮薄襦
衾枕日以寒無與寧君軀歸歟尚慎旃共此糜與餼
其七

兒曰嗟余父行役及勞苦方何為來期今復在何所
路遠不可知夢中或時覩歸歟尚慎旃令我歌且舞
海行

孟冬十月風嘈嘈海水近人翻蒼濤回岸仄石相蕩

摩雪山噴薄雷怒號我行逢此忽歎息側身東望共
桑高冥冥想見鯤鵬化蹙蹙何有鞍馬勞

其二

海中解艦如浮蟻問誰操者漁戶子風濤連天鼓棹
入棹爾心腸太輕死閃閃白帆遠歆側有時没入高
浪裏如神妙手且莫信失勢或恐為鯨餌

其三

絕岸古松離離起繫馬下觀滄溟水却立奇石森成
峰戍削磊砢天骨峙毘盧象香昔登臨見此雖小頗
相似焉得好手如鄭虔歸寫吾家素壁裏地名小
遂恭

其四

零雨漸細猶冥濛夕日破雲為多虹浦邊蟹戶魚氣
腥繫纜挂網家家同羣鷗飢鳴海水寒將飛復集籬
門東望汝近人亦求食未若黃鵠乘天風

海上觀日出

皎皎夜旣明杳杳我東行咸池顯出日海氣方蒼涼
初霞啓遠暈玄顏蒸朱光明星遂已淪萬有同被章
雲霓神變化異觀特無方昇沈悟氣機貞明著道常
陽精歸晷漱晞髮臨扶桑真游諒斯在總轡聊彷徨
顧笑區中人空視六龍驥觀一
作悉

同萊州朴使君 致道 登梵魚寺義相臺看山城
形勢俯視對馬島如几案

風旆登山轉上頭高臺把酒聽邊籌海雲不散南夷
氣天畔看橫對馬州

請冶隱祠墓

涉江采寒藻登臯攬脩竹眷此夫何為深心自有屬
恭懷古人賢遠嗣首陽躅揖遜非干戈猶聞讓周粟
高義掩裸將貞規昭簡牘悟彼砥柱喻歸此瑩瑛斷
雲竒冠翠阜麗藻揚清馥森森松檟所肅肅俎豆屋
誰謂千載遠髮鬢如有囑歸途滿袂風將以灑濁俗

祠後有碑刻砥柱中流
四字柳西厓記其陰

送南右相 九萬 赴燕

朔雪遼水也易過殊庭獨奈感懷何秦城久作穹廬
障燕市猶騰勃勃歌可道遺民三戶盡空聞佳氣五
陵多百年窮海孤臣淚憑寄星槎灑玉河

金鍾城 辨五 挽

愁州北望大荒隈長白山高雪不開 聖主恩分竹
符去邊民哭送柳車迴

除夕栗北哭亡弟墓書懷

何限存亡淚還霜守歲衣流年吾亦老長夜爾無歸

亂樹風交響荒山日少輝
淒涼一杯土此夕且相依
一作一

定而家飲餞以光風霽月金聲玉色分韻 乙丑

酒筵下畏日遠游有壯色平生孤矢心
萬里猶咫尺躍馬越重關笑看雪山白
孟堅亦何人吾將勒燕石
宿石谷大有莊舍

馳出青門驛路長鐵關雲嶺極茫茫
浮名未使吾高臥羨爾墻頭十畝桑

別席

火雲覆高柳綠酒騰清華從君種瓜地
繫我出關馬

登高眺永路莽莽自前野山川有萬里
別淚贈一把孤懷自難持還欲慰留者

途中望三角山

別酒初釀日已傾扶鞍欲上馬頻鳴東門出
祖人皆返唯有三峰遠送行

過通溝山路漸幽

靈山無百里逸興滿吾襟路轉蒼峰遠
溪繁灌木深人烟時滴瀝雲景屢晴陰
勝處無誰語迢迢獨往心
宿斷髮嶺下

夕宿近神山矯首望雲嶺冥討匪今始
勝處心已領

虛雲擁竒想撫枕情耿耿神有羽人交夢與天路永
輾轉送已曙僕夫告晴景

朝登嶺上望楓嶽

自我東游還靈山在肺腑宛宛一紀餘不謂今再覩
清晨躋崇嶺異彩滿空宇叢叢千萬峰一一如翔舞
高扶天柱傾清見地靈聚蔚蔥終霄氣森朗羣玉府
偉觀掩九有秀色竟千古平生所見山瑣細誰復數
行當上絕頂或可小東魯

百川洞

溪行籃輿緩石門荒路隘曾游已惚恍再窺終幽昧

峰危積氣表水急垂藤內古潭蓄金膏秀壁攢翠黛
險處得異觀幽巖寄永慨心泝一溪源跡匿古城外
長望山中人悲歌女蘿帶

萬瀑洞口

山鳥千啼復萬啼幽人行坐水東西霞標絳氣扶丹
嶂楓疊青林覆綠溪獨往聊申康樂意重游未覺武
陵迷古來幾許同吾興巡徧蒼崖竟舊題

碧霞潭

東崖鷹隼翔北屋後倪趺西崖香鑪起屹屹如相扶
回環拱一潭蔚為衆美都巖水皓同色楓栝森萬株

朝光蕩淵會象影虛空虛即日物皆鮮文多至無余
永日寄俯仰欲去還踟幽討帶禪伯高興及僕夫
且坐看香城雲氣何其殊

摩訶衍

何限藤蘿外諸天在上頭吾窮萬瀑到僧閉一菴幽
赤日香城雪青林桂樹秋少留貪爽氣風鬢臥颺颺

歸到萬瀑洞口遇雨

步自摩訶日午歸行經萬瀑已斜暉林間好鳥啼難
盡木末幽花開不掃真歇臺西雲驟變香鑪峰下雨
紛飛山僧定恠濟人意堅坐蒼巖聽濕衣

萬瀑洞

靈山開紫洞合沓千萬重高崖上雲漢綠蘿垂青楓
噴薄數十潭如行二峽中聲搖銅柱窟影動香鑪峰
五月炎火雲飛雪若大冬清颯灑不歇肅肅留寒松
我來濯塵熱高興彌蒼穹泉源弄珠壁木末寒芙蓉
矯首望天郎幽歌感潭龍歸時日已晚雨下金臺東

宿青蓮菴

迢迢青蓮界少坐日已曛不知何菴磬悠揚如近聞
冥冥隱几外萬壑含嵐氣靜觀鑪中烟欲化香城雲
用左太冲振衣千仞岡濯足萬里流爲韻述游

事始末

靈山不受暑落落自清峻火雲雖滿天風袂吾得振
下馬歷杉檜水清石磷磷幽討方自茲逶迤且前進

其二

青溪散雲日水樹凝清輝寺門度石梁空翠已滿衣
曳杖東菴去日午經聲稀願留就僧夏因之坐不歸

其三

香城何所如盛夏雪皓然秀色雖終古變態日萬千
未知九州山誰可與比焉有眼得觀此不恨生東偏

其四

未說金波夜偏宜朱火時快望延憑檻遐懷怯賦詩
我餘天極目方信海為池却顧羊腸路令人北上遲

磨天嶺

風旆悠揚倦馬嗥千盤磴道怯飛猿太行方信摧輪
險布坂誰憑憑叱馭豪南下萬山蟠地小東邊積水到
天高分知故國今難望猶向歸雲送白勞

吉州

雄城北望見胡雲長白山高日曛獵獵風旗怒上
龍鳴鳴塞曲怨從軍征途不盡思親淚異代難尋拓
地敷書記自知非阮瑀可能鞍馬報 明君

自吉州向明川

六月雄城道雲沙滿眼黃戎裝趨幕遠騎吹度關長
塞水流皆急胡山望盡荒長安已萬里不敢更思鄉

過鬼門關

已近孛姚幕真窮瀚海隈雲橫鬼門惡水下龍頭哀
舊俗何多異鄉書太不來天涯心盡折怯上望京臺

鏡城

障塞迢迢地一隅積沙西北是長榆白山古雪兼冬
夏青海熱雲接曉晴佩劍氣應衝北斗彎弓與在射
東胡不知漢日燕然石容我千秋再勒無

轅門

轅門北接古匈奴書記腰間佩轆轤兵事即今休草
檄雅歌終日且投壺功名耻賣盧龍塞意氣思摧白
馬胡會待將軍行射虎短衣同去試馳驅

伏聞就禱社壇輒得甘露茶書志喜

聞說嘉祥禱天心立轉移八方雲一色千里雨同時
報答真如響揄揚合有詩窮荒小臣滯失喜且添卮

萬里

萬里懷明主連年隔御床乘槎臨馬島草檄走龍
荒北斗神京迴四風玉宇涼孤忠切補拾身遠可能

并括

并括初落磧榆黃暮府秋風颯已涼鄉路征鴻不相
待歸心邊馬與俱長刀頭夜夜空看月鏡裏朝朝每
得霜何限雲山松桂好誰令此地事戎裝

過車輪嶺歷茂山至會寧

豆滿江南車輪北穹廬旣脫舊戎羣 聖朝拓地看
何似蘇鞞遺墟稼似雲

其二

英廟初恢六鎮日金公經略亦雄哉不知此地何緣

乘直到如今荆棘開此指茂

其三

車輪嶺頭人少行竹頓坡前民始耕水草曾經馬羊
牧城堡猶存蕃落名

其四

聞說楚夷初起時江邊種落盡驅移一隅警急今雖
靜四海風塵實可悲

其五

列侯縱多如置碁卽看防戍盡孤羸况聞烽火多中
阻十旬不一到京師

其六

胡運百年無許久異時奔送即須東豆江飲馬誰禁
得直悉七州皆化戎

其七

麗代開邊文肅公先春高碣立胡中古人不作今人
恨邊將誰世語此功

登茂山筆嶺始見豆滿江

我馬日北首朝嘶白山外揚鞭上隴首據鞍臨荒塞
胡山鬱滿張豆江細縈帶平生四方志遠游無此快
惜哉手中筆未嘗中行背攬轡空一歎悲風感征旆

會寧途中

忽已臨胡地猶然逐馬蹄海連窮髮北天盡白頭西
歲月長河急風雲列鎮迷勞歌多感激劍氣欲成霓

防垣途中

征途冉冉已秋分倦馬蕭蕭又夕曛幾處孤烟生野
戍半邊疎雨落胡雲摩霄鷗隊時雙下飲水麋兒或
數羣莫訝戎鞍縱吟賞邊頭為鑄近無聞

鍾城客館

慈州城外野茫茫積草連天落日黃客路已臨胡地
盡鄉心直共暮雲長烽傳遠火明孤戍江湧寒波下

六荒不悞樓筵侵曉夢歸魂元自阻關梁

潼關鎮

策馬臨雄鎮華蕪見樹旗城橫營路塞成近盛秋時
戰骨悲塲鬼戎鞍老健兒邊愁集橫槊未暇賦新詩

自黃栢坡向訓戎鎮

清秋騎吹度回中馬首輕旗颯曉風黃栢坡前山擁
鎮訓戎城外草連空日臨大漠亭亭下人與長江交
麥京却望胡兒射鵬處願隨飛將一鳴弓

訓戎鎮早起登東城

五夜吟笳北海濱牙旗拂曙已前陳獨倚老枝東城

去指點寄廬問厚春

厚春胡中
部格也

登撫夷堡烟臺望見胡地八池

繞郭寒山盡北夷登臺一望壯心悲寄廬寥落半
小秋色蒼然滿八池

慶興

瓜峽能無自粉榆實在茲肇基元慘愴餘慶極遙迤
江黑潛龍窟雲紅浴日池經過問謠俗俯仰足嗟咨

西水羅

在慶興南六十里地勢孤
絕直入海中六鎮窮處也

列鎮橫千里孤城寄一偏華夷地俱盡東北海無邊
防戍猶平世登臨且壯年茫茫今古意感慨此山川

途中有懷諸弟

去歲橫槎萊海岸今年飲馬豆江流繡衣尚帶蠻煙
黑戎幕遙臨朔氣愁兩地山川萬里濶一身行役幾
時休向來不作雲臺想終愧吾家馬少游

歸鏡城

歷徧長榆塞還趨細柳營馬前秋日落鷗外雪山平
劍放衝星氣笳翻入塞聲關河表裏勝好待幕中評
歸營之夕即八月十五夜獨臥口占

側耳聞更鼓風爐委獨眠秋衣生白露夜燭滅青煙
隴月臨三五秦城隔二千遙心逐流影宛轉北堂前

夜吟

西風日日動旗竿邊土蕭條草木殘城月影移臨幕
府塞鴻飛盡向長安悲吟五夜從軍轉側想重關行
路難斟酌故園風露滿青砧擣練此時寒

詠懷

少小無遠略枉作章句儒讀書何用多未曾窺孫吳
却來佐戎幕輒擬禽單于短衣曳長劍扼腕談雄圖
深知賈生憤未覺終童愚時哉苟有會或可封狼居

其二

幽都古肅慎砮矢此焉出山川連廣漠風氣遠殊絕

其人多鵬悍其俗推且質控弦動破的快馬輕馳突
急難在所用棄之卽胡羯傳告枚鉞人控御慎勿失

其三

朝臨載筆軒西望長白山層巒皓冰雪言自太古還
互陰貫冬夏朔氣彌胡關我來自京洛見此駭心顏
嗟爾皮服人卒歲耐苦寒冰蠶性有然代馬懷所安
苦樂竟何常棄置不足嘆

其四

驅馬出六鎮游目周塞垣東盡瀚海隈西涉豆江源
城堡列相望樓櫓入青雲借問誰所置壯哉金公勳

古來無人境今爲國北門成績誰不賴謀始良獨勤
羣謗溢篋書飛矢落酒樽英斷排衆難所賴得
君何代無良臣任之在不分是以古樂羊功成歸魏
文

其五

憶昔尹侍中逐胡沙漠陞揚旌臨瀚海勒石封高麗
拓土七百里豆江流南涯古人嗟已遠功業亦一時
茲地久淪棄收復今爲誰登高試遠望裂眦令心悲
何由過江去一問先春碑

其六

島夷昔構患兵塵彌茲土鄭公奮暮佐登壇建旗鼓
感激列鎮動雲蒸義旅聚涕淚望行在談笑取逆豎
長驅無留行破敵若風雨功高有媒孽事味限聞覩
忠績爵不揚幽憤久乃吐新廟抗海壘椒荔示終古
來者亦可勸天定固有數

其七

邊境非昔時豆江久安流列城靜無事幕府多歡游
伊余將何爲遠來慚吳鉤籌策無所施塊然空淹留
耿耿志士心未肯與時媮莫以干戈息棄捐皮幣羞
莫以一方安棄捐天下憂

其八

夙昔慕閒居不願嬰簪紱弱操終易攜外物更相奪
南征冒炎瘴北游踐甌脫山川萬餘里我行無時歇
展展視頽景炯炯生素髮豈伊年貌變宿心漸蕪沒
寤歎坐中夜悲歌達明發行矣謝戎政去採南山蕨
金剛窟敬次家君韻

創此自何年巖蘿垂戶椽苔深僧面壁石湧虎跑泉
雲氣晝常在日光時細穿便思投檄筆趺坐學安禪
會象臺

瓊臺兀亭亭秀出羣峭內杖藜步蒼壁笑語落青靄

身游一氣表目窮萬象會霜空日杲杲秋色淨埃壒
萬籟吹參差天風度衫槍汗漫真人期側想翠羽蓋
下會象臺向兜率菴凡六七里行溪谷中頗幽
邃可喜

溪回幽徑遠轉入薜蘿陰赤葉楓千樹幽香果一林
颺驚鷹木捷鳥樂轉山深卽目皆幽事真成物外心
兜率菴敬次家君韻

蘭若無人客自登花龕晝閉翠微層已看亂石皆成
佛還訝孤雲是定僧

重陽日同兵使及判官登元帥臺

天長塞澗海無津此地登臨易損神白酒可能同故
國黃花未解作佳辰漁舟棹急齊歸浦雲鴈飛多揔
背人鄉路關心望不極雪山斜日暗塞巾

十四夜獨上兩城樓

今夜南樓月殊非似武昌城高意悲壯磧遠氣蒼茫
海湧金波潤天垂雪嶺長胡姬屢進酒不管滿衣霜

射鵰歌

有鵰集于營門樹上將軍命帳下砲卒一發
殪之余適陪坐見之退而作此歌其曰射鵰
者砲亦射之屬也

朔方精銳砲丸手射生能養控弦胡鏡城九月雪滿
山將軍獵馬思馳驅磧寒飛鷗下戟門飽肉白日當
庭隅旋腦側眼着青冥豪鷹俊鷗各無聲自倚劍翻
披長雲不防金丸捷流星腦膊驚雷碎毛質倏忽寒
空墜煙雪將軍一笑動顏色健兒獻功如蔽蔽軍中
樂亭在觀獵况更快意軒墀側豈無超距與投石未
若命中能威敵惜哉爾曹坐虛老安得用之射冒頓

城津

聞說崔公初設險雄奇要使虜人驚城根日與鯨濤
戰樓勢渾如蜃氣成

其二

扶桑日出掛弓枝滄海天回飲馬池城下有時渡赤
血健兒持劍試蛟螭

余平生不喜題僧軸今自北關歸也遇老僧道

徽於青海客館年已七十餘矣袖出前輩贈詩

一軸六抵皆一時宗匠而曾王考文正公詩亦

在焉莊誦再三不勝感歎謹步韻以贈

先祖會題卷裏詩兒孫未墮膝前時閩人四世猶無
恙灰劫吾將問老師

其二

公館沈沈夜色遲
檢書燒燭下簾帷
蕭然似坐山齋裏
更著林僧來乞詩

咸興

天作咸興壯北方
鬱葱佳氣古南陽
青山盡拱樓臺出
綠水同通市郭長

其二

樂良樓迴倚層空
萬歲橋長臥彩虹
橋上人行樓上坐
相看俱是畫圖中

其三

百里長郊萬里勢
羣山未覺眼中多
咸川一道流如

練直到滄溟不起波

其四

滄中一王迹問如何
手種龍松歲月多
黛色尚留舊碣氣
龍吟宛似大風歌

其五

海上高臺曉色迷
處虬髯映塞馬龍驤
天人意氣今如在不
教當年吳越王

鐵嶺

正喜淮陽近還驚鐵嶺層
羊腸行詰曲馬首見峻嶒
絕望山根裂重雲
海氣蒸歸心亦折
幸不去年時登

送崔汝和錫鼎赴燕 丙寅

士生寄一隅有懷聘上國豈無道塗勤未足嬰顏色
古來賢後人結轍從茲役不冠與文物何往非新得
于今獨山川送子一歎息

其二

夫子青雲器文章早追琢淹識古今古玄覽終立宗
使事重詞命傾朝讓通博翩翩延陵子千載豈云遜
惜哉梵沫地何處觀周樂

其三

燕京古神都城闕鬱逶迤百年漫腥羶沈痛甚矣

穹廬積氣盛屠肆遺歌悲吞聲未敢泣苦心當語誰
經過濯清風獨有灤河河

其四

夷齊義誠高種蠶心亦苦此去歷滹陽能無念二祖
經權各自靖幽辱竟同處漆心和楚奏餘響散磴石
感激想前烈知子淚如雨

其五

別腸不可緩別袂聊暫把春寒雪未盡淚水冰度馬
蒼蒼薊門樹莽莽幽州野永路望不極何時見回駕
行矣慎 王事靡盬在宵雅

題畫鴈障子

落景散餘霞，蒼山遠明滅。洞庭白雲外，湘流宛幾折。
 畫史意萬里，尺素吳楚裂。青冥秋鴈雁，歷亂下煙雪。
 水寒芙蓉老，霜落葭葦歇。先集已容與，後主方超忽。
 渺然續弋表，雲海日夜潤。永懷鴈夷子，扁舟寄散髮。
 清暉閣留仲裕埃多感後對酌同賦

羅雀聞門客，少過君來對。酌遂微訕，松巖雨氣流。樽
 掌水盤泉聲，入笑歌白髮。已將黃菊晚，緇塵曾染素
 衣多。祇今始覺休官好，世上浮榮在我何。

次趙成卿聖期韻

士人今不見夫子道，猶高龍虎心胸壯。風花句語豪
 一經窮皓首，萬理析秋毫。薦禰吾慚未，清時老俊髦。

再疊

道在低頭處，無徒著眼高。須知履水敬，終做蓋天豪。
 周折嚴繩墨，幾微察縷毫。能言戒鸚鵡，方信是儒髦。

三疊

心源本浩浩，飛躍自深高。直信天機妙，寧容意氣豪。
 春雷開百壺，水月見纖毫。此理今誰契，吾生後哲髦。

崔肇天在音賣宅在音家往驪州賦贈

有宅從人賣，工詩拙自謀。全家浮漢水，十月上驪州。

浦樹蒼蒼遠飄風獵獵道楮洲吾弟在一為繫行舟

次趙成卿韻

吾衰已白髮壯心負青春世態看時別天機靜處真
鴉喧似求食龍蟄不無神却筭行藏事能無達士真
其二

每歎吾生晚難窺洛達門朱絃尋絕響青簡挹遺言
不盡淵泉妙何曾枝葉繁明珠炯自抱莫受外塵昏

農巖集卷之二

